

Sarajevo, 05-03-2020

Broj: 01-11-3-11756

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-11020 od 28.02.2020.godine, Generalna direktorica donosi:

### **ODLUKU**

o izboru najpovoljnijeg ponuđača  
za pružanje usluga redovnog mjesečnog održavanja LIS-RGB Analysis sistema

#### **I**

Prihvata se prijedlog Komisije za javnu nabavku, Izvještaj br. 10-33-4-11020 od 28.02.2020.godine **za pružanje usluga redovnog mjesečnog održavanja LIS-RGB Analysis sistema**, nakon provedenog pregovaračkog postupka javne nabavke bez objave obavještenja i ugovor dodjeljuje ponuđaču WIZARD HEALTH d.o.o. Mostar u ukupnoj vrijednosti nabavke u iznosu od:

**9.480,00 KM bez PDV-a + 1.611,00 KM PDV = 11.091,60 KM za 12 mjeseci**

Plaćanje će se vršiti **sukcesivno (mjesečno)** u iznosu od **790,00 KM bez PDV-a**, uz odgodu plaćanja do **60 dana** nakon ispostavljanja fakture i obavezno dostavljanje ovjerenih naloga kojima se potvrđuje realizacija naručenih usluga.

#### **II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 1.1. Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku postupka javne nabavke.

### **O B R A Z L O Ž E N J E**

Na osnovu Odluke o pokretanju postupka javne nabavke br.01-11-3-9670 od 21.02.2020. godine, sa procijenjenom vrijednošću u iznosu od 9.500,00 KM bez PDV-a, Klinički centar Univerziteta u Sarajevu je pokrenuo pregovarački postupak javne nabavke bez objave obavještenja (informacija o pregovaračkom postupku objavljena je internetskoj stranici ugovornog organa u skladu sa članom 28. stav 4. Zakona o javnim nabavkama). U skladu sa članom 21.tačka c) Zakona o javnim nabavkama Poziv za pregovarački postupak br: 01-11-3-9671 od 21.02.2020.godine upućen je ponuđaču WIZARD HEALTH d.o.o. Mostar jedinom ovlaštenom predstavniku za predmetnu nabavku sa autorskim pravima za održavanje/servisiranje i nadogradnju LIS-RGB sistema Analysis sistema,

Komisija imenovana Odlukom broj: 01-04-4-10936 od 28.02.2019.godine pristupila je provjeri dokumentacije dostavljene uz ponudu i konstatovala da je dostavljena ponuda formalno pravno i tehnički ispravna i da se može pristupiti pregovaranju. Ponuđač je u ponudi br.10-11-3-10655 od 27.02.2020.godine dostavio cijenu za jedan mjesec **790,00 KM bez PDV-a** odnosno ukupnu cijenu u iznosu od **9.480,00 KM bez PDV-a za 12 mjeseci**.

Na prijedlog Komisije da se učini ustupak u finansijskom smislu, odnosno da ponudu učini povoljnijom, predstavnik ponuđača je pojasnio da je dostavljena cijena konačna.

Po Izvještaju br. 10-33-4-11020 od 28.02.2020.godine Komisija je jednoglasno dala prijedlog Ugovornom organu, da se za pružanje usluga redovnog mjesečnog održavanja LIS-RGB Analysis sistema, donese Odluka o izboru ponuđača i Ugovor dodijeli ovlaštenom dobavljaču WIZARD HEALTH d.o.o. Mostar za podršku korištenja softwera (ekskluzivni vlasnik autorskih prava LIS rješenja RGB Analysis). Ukupna vrijednost nabavke za 12 mjeseci iznosi 9.480,00 KM bez PDV-a.

Prijedlog Komisije je prihvaćen i donijeta je odluka kao u dispozitivu.



**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- Tehnički sektor
- a/a KCUS

*Lejla Džamarić*